

Visoki predstavnik na Samitu AECR grupe u Antaliji



Na poziv Alijanse evropskih konzervativaca i reformista (AECR), visoki predstavnik Valentin Inzko učestvovao je u radu Samita AECR-a u Antaliji gdje je održao glavno izlaganje.

Samit se bavio trenutnom izbjegličkom krizom do koje je došlo zbog rata u Siriji, njenim uzrocima i implikacijama, a učestvovalo je više od 100 parlamentaraca iz cijele Evrope i Bliskog istoka, kao i ministri i vodeći pripadnici akademske zajednice iz regiona.

Visoki predstavnik je u svom govoru naveo da “sada kada se konačno na horizontu nazire mogućnost postizanja mirovnog rješenja za Siriju, vjerujem da nije samo poželjno nego je suštinski bitno da se uzme u obzir i međunarodni angažman, kao npr. u Bosni i Hercegovini, i da se primijene stečena iskustva”.

“Ako se mirovno rješenje i provedba mira urade na pravi način, imamo šansu da uspostavimo okvir za trajan mir i stabilnost i izglede za bolju budućnost za sadašnju i buduće generacije”, dodao je visoki predstavnik Inzko.